

Zu der

**Donnerstag, den 9<sup>ten</sup> April 1840,**

abzuhaltenden

# **öffentlichen Prüfung**

der

## **sämmtlichen Klassen des Gymnasiums**

zu Königsberg in der Neumark

ladet ergebenst ein

**J. Guiard,**

Prorektor des Gymnasiums und Prediger der kleinern evangelischen Gemeinde.



Hierin die Abhandlung des Oberlehrers Dr. Haupt:

**Hecate et Hecatos,**

seu

rerum divinarum humanarumque apud Graecos principia.

---

**Königsberg in der Neumark.**

Aus der Druckerei von Windolff & Striese.

1840



---

# Hecate et Hecatos,

seu

## rerum divinarum humanarumque apud Graecos principia.

---

Quum alio loco demonstraverim \*), tum, qua universum animi humani culturam mentisque conscientiam sui, eadem etiam unamquamque ejus notionem procedere triplici perfectionis via, tum, singulorum populorum religiones et actiones iisdem distingui modis ac generibus, *signi, symboli et mythi*: hoc loco primum exponam, ad *signi* rationem ac genus et omnium priscorum incultorumque populorum et antiquissorum Graecorum quoque sacra referenda esse. *Signi* enim vis ac natura ea est ad quam prisci homines, quorum mens numen suum ab externis rebus discernere nondum poterat, sensus omnes cogitationesque suas referrent, re ulla qualibet externa contineri eas et exprimi, atque suum ipsorum animum mentemque ea apparere existimantes. Nolo quidem h. l. qua philosophos decet ratione de animi signo intelligentis natura disserere \*\*) neque de universa populorum *signo* cogitantium, loquentium, agentium, humanitate culturaque disputare; sed tantummodo, quae vulgo notiora sint, ante oculos ponere: sacra populorum pilis, metis aliisque signis, quae ipsorum numinum loco erant, addicta, omnesque populos septentrionalis et orientalis plagae ad Japonenses usque et Sinenses, quorum linguae, scripturae, religionis, privatae publicaeque vitae forma omnis ex *signi* vi et natura pendeat. Neque non sunt commemorandi Plato et Aristoteles de hac vetustissima et mentis humanae et religionum forma loquentes \*\*\*), nec ratio satis memorabilis Justini l. XXII., omnem antiquam religionem hastarum fuisse dicentis: quamquam his mentis humanae jam *imagines* numinis universi concipientis forma significari videtur. Nam

---

\*) Wissenschaftl. Alterthumsk. I. 1. XIX. sqq.

\*\*) Cum Hegelii et Rosenkranzii conferendae expositiones Daubii in Anthropol. 1. S. 240 sqq. „Das Zeichen ist irgend eine unmittelbare Anschauung, aber die eine Vorstellung von ganz and rem Inhalt vorstellt, als sie für sich hat; — die Pyramide, in welche eine fremde Seele versetzt wird“ etc. Hegel Encycl. §. 379.

\*\*\*) Stühr, Religionssyst. II. S. 19.

quibus populis quodvis signum pro suo animo i. e. deo est, ii sensu aliquo vago, incerto et quasi coeco vim aliquam suis viribus praestantem et per omnia quae vident intentam sine nomine et forma noverunt ac magis timent quam colunt; ii autem qui e rerum natura imagines et symbola petierunt divinae illius naturae, ut Indi, Aegyptii, Persae populiue Asiae minoris (id quod, si Jul. Maternum *de error. prof. relig.* 1—5. auctorem sequi licet, ita factum est, ut appareret aeris vim potissimum Indis, Aegyptiis aquae, Persis ignis, Phrygibus Lydisque terrestrem vim prae ceteris divinae mentis naturam et formam visam esse), eorum populorum sensus jam cogitationum formam lucemque aliquam consecuti sunt. Qui terrae frugiferae donis vitam tranquilli laetique peragebant, iidem et terra vim illam divinam contineri arbitrabantur et eam quasi imaginabantur; contra editiorum aut sterilium regionum incolae sideribus coeloque illam inesse sentiebant, in quibus referendae et gentes semiticae, inter quas etiam prisci Hebraei, in campis late patentibus a Tauro usque ad mare mediterraneum atque australe, et gentes trans Taurum in Asia septentrionali; et ii quidem quo propius ad Septentrionem, formis imaginibusque vacuam, habitabant, eo minus ad symbolicae culturae gradum ascendere aut numinis certe imaginem aliquam mente concipere poterant, mentem ut daemonium extra se collocasse contenti, et *spirituali* cuidam religioni advescentes. Praestat autem symbolum homogenea natura, qua caret et imago, et signum \*). Et hoc quidem indefinitum est et significat, quasi *πᾶνθιον* s. *πᾶνθειον* s. *πᾶν*, quod constat ipso hoc nomine in deorum graecorum limine positum atque apud barbaras nationes pro summo numine cultum esse ad ipsos Sinenses usque, qui Tien vocant illud divum *ἀόριστον*.

Ab hac infinita spesie divina totius antiquitatis religiones egressae sunt in eamque, quod jam Romanorum Pantheo cognoscitur, ultima aetate redierunt. Ipsa autem species cum mente humana primum se sentientem, deinde imaginantem, tum intelligentem exhibuit; et sentientem quidem in *signi* quasi regno suo.

In signum aliquod mentis suae vim conferentes et in signo vim divinam illam tanquam repositam habentes, distincta numina ignorabant ac sensu solo adorabant vim occultam, per rerum naturam pertinentem. Quam vim qui mentis corporisque viribus praestarent quum et ad se vel maxime pertinere sentirent, et aliis

---

\*) Das Zeichen ist vom Symbol verschieden, einer Anschauung, deren *eigene* Bestimmtheit ihrem Wesen und Begriffe nach mehr oder weniger der Gedanke ist, den sie als Symbol ausdrückt" etc. Hegel l. 1. „Die Vorstellung, vollends aber der Gedanke, Begriff, die Idee einem Bilde informirt, so dass dieses hiermit Symbol sei, hat und muss mit dem Bilde und Gegenstand, als worin sie sich äussert, irgend etwas gemein haben; zwischen der Vorstellung und Anschauung im Bild muss eine Homogenität vorhanden seyn" etc. Daub. l. 1.

eam complecti viderentur, factum est ut sacerdotum genus, quod schamanicum vocatur, existeret. Qui primum per se ipsi, deinde rerum nonnullarum subsidio vim ipsi arcanam quandam exercebant in homines et in rerum naturam. Quam vim, cujus illi participes videbantur, seu magicam, seu daemonicam, seu magneticam, seu sympatheticam dicere licet, non per homines solos, sed per coelum et terram totamque naturam intentam et ab amoris non separatam esse, eademque omnia quae sunt contineri, priscis hominibus, acri sensu rerum vires rationesque percipientibus adeo apparuit, ut postea, quae initio sine nomine erat, eam pluribus nominibus appellandam, ad eam id rerum principium, quod sedium suarum coelo et natura, ut supra dixi, potissimum ante oculos proponitur, aëra, astra, terram, aquam, ignem cet. referendum, eamque caeremoniis sibi conciliandam putarent.

Et revera eam esse mentis vere divinae aeternaeque vim, qua ea et mentem humanam et naturae animum quasi consanguinitatis vinculo aeterno sibi conjunctum connexumque haberet, quis est quin sibi persuaserit?

Quae vis divina, cum ejus imaginem mente conciperent, eamque vitalem ac omnis vitae fontem cognoscerent, non tam masculo numini, quam, cum foemineum sexum ejus inprimis participem compotemque sentirent, foemineo numini adtribuenda visa est; atque quoniam de Hecate mox plura disputabuntur, h. l. illud afferro quod ejus naturam putatur referre apud Irokese dea Atahentsik, apud Virginiae incolas Kiwasa; apud Indos Bhavanî et Parivatî, quodammodo etiam Sri et Lakshmi, maxime autem Kali, apud Aegyptios Tithrambo, Nephthys seu Athor \*), et ut taceam de Germanorum simili forma divina, Hehl, apud Persas seu potius Armenios Anahitis, apud Cappadoces dea Comanica cet. *Masculi* numinis species Swantewit apud Venedicae stirpis populos parem habet similitudinem, quam *androgyni* forma Mithrae apud Persas, qui Graecorum priscorum simul et Ἐρμῆς (Ἐρμῆς) et Ἐξάρη, ut infra demonstrabitur.

Verum haec ejus numinis forma jam *imaginantis* est mentis. Namque etiam apud Graecos hanc ideam, humanae menti insitam, tres quasi aetates progressam esse, signi, symboli et mythi, ab ipsis graecis scriptoribus significatum reperitur. Signi autem eam aetatem dico, qua nec nomen nec forma definita numinis quod sensibus tantum percipiebatur, exstabat, quaque aetate qui illam arcanam ac remotam vim in natura rerum inesse divinabant, ad seque propius pertinere sentiebant, ii sacerdotum et regulorum dignitate et auctoritate gaudebant. Qua aetate apud gentes trans

---

\*) *Stuhr*, System der Religg. II. S. 31 sqq. *Buttman*, De Dione in Mythol. 1. 22. et ad Midian. Exc. 4.

Taurum habitantes maxime mulieres divinae illius potentiae compotes visae sunt, quae etiam apud Germanicas gentes, haud dubie illis consanguineas, ea excellebant et fatidicae dicebantur: quarum etiam in sedibus Jovis et Dionis Pelasgicis monumenta inveniuntur \*). Et mulierum earum vim hecaticam, ut ita dicam, ab amoris non separatam visam esse, quamquam Veneris odium Lemniae, ad idem genus haud dubie pertinentes, sibi contraxisse feruntur, multis fabulis comprobatum est. Mulierum earum in confiniis pelasgicarum et semiticarum gentium numen postea Anahit nominatum est et deae Mitrae seu amoris numini associatum; idem, quum ab initio lapide seu meta significatum esset (Strab. II. p. 512.), postero tempore foeminae formam induit \*\*). Id a mulieribus ferme solis cultum effecit ut eo, quam Lunam potissimum interpretabantur generisque seu sexus genetricem dicebant, quasi pig-nore mulierum dignitas confirmaretur, iisque viri potestate cederent. Quocum illud conjunctum est, quod sacra procurabantur a mulieribus privatas inter parietes my-steriorum instar, sicut persicae Athenae, quam cum Athena Colchica ap. Pausan. III. 24. idem esse numen credi licet. Nec persica Selene, regni prope numen tutelare (Herod. 64. 37.) et quam deam Magi in solemnibus regiis invocabant (Plin. hist. nat. 29. 3., Ciceron. l. de divin. 1. 23.), ab illo numine sejungi potest, et Colchi- cam Medeam nihil aliud quam illud numen hecaticum esse mox apparebit. In his omnibus ejusdem numinis formis, quibus Artemis Ephesia, Cretensis, Lemnia, Tau-rica, Brauronia — adnumeranda est, hoc maxime memorabile reperitur, quod impe-rium quoddam mulierum, utique sensibus viros praestantium, religione consecratum habebant. Longum est autem et ab proposito alienum, de veterum γυναικοκρατεία et de Amazonibus h. l. uberius disputare; et sufficere credo, veras ejus rei ratio-nes indicasse \*\*\*). Sed, quoniam quomodo rerum civilium et humanitatis rationes haec constituerit religio, ubique repetendum sit, hoc addi debet, in Asia occidentali muliebrem sexum, in orientali Asia omnino servilem, sui juris fieri coeptum quum, ut taceam de Gallis Cybelae se evirantibus, Veneris religione in australibus, tum religione Lunae, cujus vim propius ad se pertinere sensissent, in regionibus septen-trionalibus: ubi ipsa Medea admodum virilis sicut Anahitis et numen Comanicum. In Graecia etiam Argivae, Danaidum fabulis confirmatae publicae rationes, item Spartanorum Artemidi Orthiae sacratae, in vita privata masculae Sapphonis rationes

\*) Vide Not. p. 5.

\*\*) Stuhr, System der Religion. II. S. 247 sqq.

\*\*\*) Nagel, Geschichte der Amazonen S. 10 sqq.



et multa alia inde pendebant. — Figurae masculae autem daemonium illud seu mens congruentem formam i. e. *spiritualem essentiam* suam in Hebraeis habebat.

A signi numinis illius regno ad imaginis, in quam, majore potestate et luce assumpta, signum mutatur, transeuntibus sexcenta exempla occurrunt, maxime ipsius Anahitidis cum Pessinuntia, Ephesia, Taurica aliisque speciebus cognatis imagine exornatarum. Verum ad Hecaten, seu ad ejus numinis formam a *priscis Graecis* conceptam, nobis statim pergendum est.

Et taceo de orphica graecae antiquitatis aetate, qua ejus numinis notione Graecorum animos primum imbutos esse volunt, quam, quidem aetatem Homericam multo priorem faciunt; apud Homerum autem ipsum Hecates nomen non dictum, ea vis autem pluribus locis significata est. Nam Od. X. Circe eam vim exercet quam ipsa Hecate seu Medea ejusque famulae: quarum cognationem exponit Sch. Apoll. Rh. III. 200.... θυγατέρα, ἢ ὄνομα Ἑκάτη — ἀνδρικὴν παρ τ. κ. —; ταυτὴν γήμασθαι, πεμφθεῖσαν εἰς Κόλχους Αἰήτη τῷ πατραδέλφῳ ἀφ' ἧς γενέσθαι Κίρκην καὶ Μήδειαν cet. et Schol. ad Od. X. 276.: λέγει καὶ πολυφάρμακον τὴν Κίρκην ὁμοῖα ἦν καὶ ἡ παλαιὰ Μήδεια καὶ ἡ Κροκοδίχη ell. Sch. ad XII. 124. Et alio loco demonstravimus, campum rerum illò Odysseae loco narratarum non in extremo mari occidentali, sed in septentrionali Asiae occidentalis et in ponto Euxino esse; eorumque locorum ex vera conditione, non ex phantasiae fonte velim tibi persuadeas has magarum formas ductas esse: vide de Aea et Aeëta Sch. Apoll. Rh. 1. 1093. et Diod. Sic. IV. 45. συντοκῆσασαν Ἑκάτην Αἰήτη cet. \*) Fascinandi et incantandi (τοῦ θέλγειν —) subsidiis Circe utitur iis quae ei et alibi adtribuuntur, ut Leucophyllo, ut sceptro magico quo etiam Ἑρμῆς χρυσόρραπις est insignitus: quod non primum, sed alterum priscorum fascinandi generum, in regionibus illis septentrionalibus usitatorum, est, quod *Hegel, Rosenkranz, Stuhr* alii *indirectum* genus dicunt: cujus multa alia et exempla et subsidia apud Homerum inveniuntur, ut herba μῶλυ Od. X. 305., fascinus Ulyssi ab Inone Leucothea (cujus ad antehomerica pertinentem fabulam hic persequi nolo) ut initiatis a Cabiris (v. Sch. Apoll. Rh. I. 917) datus, alia. Verum etiam *directum* effascinandi genus quod aut visu (*oculis vitiantes Telchines*, Ovid. Metam. VII. ell. Plin. VII. 2., Gell. IX. 4.) aut lingua exercebatur, ab Homero commemoratur: nam Scylla est δεινὸν λελακνῖα Od. XII. 85, quem ad locum Schol. τὴν Σκύλλαν Φόρκυρος θυγατέρα καὶ Ἑκάτης ὁ αὐτὸς λέγει. Ὅμηρος μέντοι (v. 124.) Κραταῖν ἐν τοῖς ἐξῆς μητέρα τῆς Σκύλλης δηλοῖ — ἀλλ' οἱ μάγοι Ἑκάτην φασὶν αὐ-

\*) Buttm. Mythol. II. S. 182. Aetas, dessen Tochter oder Enkelin Hecate, ist als Zauberer hinlänglich bekannt u. s. w. cf. Eustath. ad Od. X. 139., Apollod. I. 9. 1.

τήν. — Στρεσίχορος δὲ Λαμίας αὐτῆς μητέρα ποιεῖ. Etiam Hesiodus eam Phorbae et Hecates filiam dixit. Deinde etiam Calypso, ad idem genus pertinens, ab incantando αὐδήσσεια dicitur (ut Scylla X. 136., Ino Leucothea V. 334.). Eodem pertinet illud βώστρον de Scylla dictum Od. XII. 124.

Sed non solum vis Hecates apud Homerum significata invenitur, verum etiam illud, quocum ea ab initio conjuncta reperitur, masculinum numen, quod probabile est olim Ἑκατον dictum fuisse, quem Graeci Ἑρμῆν, Latini Mercurium dixere. At longum est omnia, quae ad priscam hanc Mercurii formam pertinent, ex Homero colligere. Nam ex eo quod is in Iliade modo fertilitatem et opulentiam praebet, quod vis ejus pariter atque Hecates ad tria regna pertinet, quod est somni dator, quod χρυσόρρασις, quod διάκτωρ, Ἀργειφόντης, ἐριούσιος — (ψυχοπομπός), facile intelligis, quae inter ejus et Hecates vim intercedat ratio. Idem, qui postea Χθόνιος dictus est, Νόμος factus jam a Pelasgis agriculturae intentis: Hymn. Hom. XVIII., 5. \*). Is cum numinibus istis hecaticis in Odyssea ita versatur, suam ut ipse doceat vim et naturam ad illarum formas pertinere. In earum numero etiam Sirenes et Helena referendae. — Praeterea vocis δαίμων usus Homericus is est qui nos eum cogat ad obscuri illius universalis potestatem referre (δαίμονα δώσω, στυγερὸς οἱ ἔχρας δαίμον, δαίμονος αἵσα κακῆ). Ejus foemininum autem Δάσειρα. Haec est *ea spiritualis* religio, quae cum *materiali* Pelasgarum conjuncta Hellenicam gennit.

At simul intelligitur, Homeri aetate illud culturae principium, quo occulta illa numina in hominum animis vitaeque dominabantur, et in remotiora barbaraque terrae loca inveniri relegata, et Hecaten cum conjuge solum e vestigiis residuis posse cognosci. Nam Ἑρμῆς, sive sic ab initio vocatus est, sive Hecati nomen gessit, jam aliam tum naturam induerat, et Hecate in Artemidis potissimum naturam formamque transierat\*\*). Graecorum enim, seu, ut ap. Homerum est, Ulyssis ingenium sua luce loca ista et tempora jam illustraverat spectraque illa in terrae occultae recessus removerat. Nam cum Thracibus istis commixti Pelasgi, naturae viribus vicissitudinisque addicti, novum culturae genus protulerunt.

Igitur de Graecis exposituro prioris quam Homeri aetatis monumenta circumspicienda sunt, non istius quidem schamanicae seu barbaricae quam supra tractavimus, at ejus quae huic successit. Ea est autem pelasgica Graecorum aetas; qua

\*) V. Goeller, Demeter und Persephone S. 201 sqq. Postea Nomii natura quoque in Apollinis formam abiisse videtur: qui Apollo Nomios pari tum necessitudine orcum et inferorum res attingere coepit, id quod potissimum ex Admeti fabula intelligitur.

\*\*) Goeller, l. l. S. 52 sqq. Mercurius unus Coelo patre, Dia matre natus cet. Cic. N. D. 111. 22.



signi vis in symboli vim et naturam transibat. Qua aetate Hecate, ut occultum numen in antris, qualia etiam Homericæ illæ formæ habitant, et nocturno tempore coli coepta, sicut Anahitis, Mithras al. in Asia, atque, utpote in coelo, terra, mari dominans, triceps facta et canibus insignita est, sicut Hecatos lupi natura specieque (*Λυκαῖος*) significatus. Et nolo quidem de antrorum nocturnique temporis significatione \*) aut de sacris Hecates ad vias et in triviis ubi sepulcra mortuorumque monumenta erant, et in foveis plerumque cum sanguine olim hominis, postea nigri pecoris (v. interpret. ad Ovid. Met. VII. 243 sq.) factis loqui aut de canis et lupi symbolo ita exponere ut ex Asiaticarum religionum genere, quo canis et lupus frequentissimum naturæ divinæ per remotissima et occultissima quæque maxime vigili acutaque acie penetrantis et scelera vindicantis, maxime pejurium et parricidium, (Hecates, Fernwinkerin) symbolum erat, aut canes et lupi ea de causa numinum instar colebantur, quod ii illam vim, quam aliis populis lapides herbae, siderum maxime munere, accepisse videbantur, omnia quæ huc pertinent afferre. Canis enim et lupus consanguinitate conjuncti quidem, sed in symbolico genere lupus saepe etiam ad lucem et vitam pertinere videtur: Aeschyl. Sept. ad v. Theb. 175 cll. interpret. ad Choeph. 258 sqq. 405 sqq., canis ad noctem modo, luctum mortemque relatus esse. Et canis quidem noctem, luctum mortemque significans, etiam ultimas terræ oras quibus regnum mortis initur indicat. Hinc Hom. II. VIII. 366. 67. εὐτέ μιν εἰς Αἶδαο πύλασται προὔπεμφεν ἐξ Ἑρέβευς, ἄστυα κύρα στυγεροῦ Ἀίδαο: vid. Heyn. adnot. ad h. l. et ad Apollod. p. 428. Misit eo Juno Argiva Herculem; et Mela I. 19, 7.: in eo (Ponto Euxino) primum Mariandyni urbem habitant, ab Argivo, ut ferunt, Hercule datam. Heraclea vocitatur; id famæ fidem adjicit. Juxta specus est Acherusia, ad Manes, ut ajunt, pervius, atque inde extractum Cerberum existimant." Cf. Strabon. XII. Nomen Cerberi fortasse ab eadem radice unde κέρτος; ap. Apoll. Rh. I. 917. ductum; forma ejus triceps ut Hecatae. Et gentes Mongolicae simul cum priscis Medis ac Persis canem venerantes daemonicam illam et arcanam colebant vim divinam. Quam vim inter Graecos Socrates menti suae vindicare studuit, quasi in libertatem quandam vindicaturus. Atque cultu eam quodam prosequens juramento καὶ τὸν κύρα videtur usus esse, qui κύων ejus daemonium esse jam visus est interpreti doctissimo Platonicae apologiae: vid. Stallb. adnot. ad Apol. §. 22. Id Socratis studium per Platonem, Aristotelem ceterosque philosophos vulgarium ex Mercurio et Hecate ortorum deorum contemptores divinique illius genii per rerum

---

\*) Schol. Apoll. Rh. III. 847. Νυχίαν δὲ εἶπεν cet.

εἴη. — Σκηπίονος δὲ Λαυίας αὐτῆς μῦθον ποιεῖ. Etiam Hesiodus eam Phorbae et Hecates filiam dixit. Deinde etiam Calypso, ad idem genus pertinens, ab incantando αἰδήσσα dicitur (ut Scylla X. 136., Ino Leucothea V. 334.). Eodem pertinet illud βώσκειν de Scylla dictum Od. XII. 124.

Sed non solum vis Hecates apud Homerum significata invenitur, verum etiam illud, quocum ea ab initio conjuncta reperitur, masculinum numen, quod probabile est olim Ἐκατον dictum fuisse, quem Graeci Ἑρμῆν, Latini Mercurium dixerunt. At longum est omnia, quae ad priscam hanc Mercurii formam pertinent, ex Homero colligere. Nam ex eo quod is in Iliade modo fertilitatem et opulentiam praebet, quod vis ejus pariter atque Hecates ad tria regna pertinet, quod est somni dator, quod γυναικῶν, quod δαίμων, Ἀργυροφόρος, ἐλευθέριος — (ψυχόκομος), facile intelligis, quae inter ejus et Hecates vim intercedat ratio. Idem, qui postea Χρόνιος dictus est, Νόμος factus jam a Pelasgis agriculturae intentis: Hymn. Hom. XVIII. 5. \*). Is cum numinibus istis hecaticis in Odyssea ita versatur, suam ut ipse doceat vim et naturam ad illarum formas pertinere. In earum numero etiam Sirenes et Helena referendae. — Praeterea vocis δαίμων usus Homericus is est qui nos cum cogat ad obscuri illius universalis potestatem referre (δαίμονα δῶσα, στυγερὸς οἱ ἔχον δαίμον, δαίμονος αἰὼν κακῆ). Ejus foemininum autem Δάμνα. Haec est ea spiritalis religio, quae cum materiali Pelasgarum conjuncta Hellenicam genuit.

At simul intelligitur, Homeri aetate illud culturae principium, quo occulta illa numina in hominum animis vitaeque dominabantur, et in remotiora barbaraque terrae loca inveniri relegata, et Hecaten cum conjuge solum e vestigiis residuis posse cognosci. Nam Ἑρμῆς, sive sic ab initio vocatus est, sive Hecati nomen gessit, jam aliam tum naturam induerat, et Hecate in Artemidis potissimum naturam formamque transierat\*\*). Graecorum enim, seu, ut ap. Homerum est, Ulyssis ingenium sua luce loca ista et tempora jam illustraverat spectraque illa in terrae occultae recessus removerat. Nam cum Thracibus istis commixti Pelasgi, naturae viribus vicissitudinisque addieti, novum culturae genus protulerant.

Igitur de Graecis exposituro prioris quam Homeri aetatis monumenta circumspicienda sunt, non istius quidem schamanicae seu barbaricae quam supra tractavimus, at ejus quae huic successit. Ea est autem pelasgica Graecorum aetas; qua

\*) V. Goeller, Demeter und Persephone S. 201 sqq. Postea Nomii natura quoque in Apollinis formam abiisse videtur: qui Apollo Nomios pari tum necessitudine orcum et inferorum res attingere coepit, id quod potissimum ex Admeti fabula intelligitur.

\*\*) Goeller, l. l. S. 52 sqq. Mercurius unus Coelo patre, Dia matre natus est. Cic. N. D. 111. 22.

signi vis in symboli vim et naturam transibat. Qua aetate Hecate, ut occultum numen in antris, qualia etiam Homericæ illæ formæ habitant, et nocturno tempore coli coepta, sicut Anahitis, Mithras al. in Asia, atque, utpote in coelo, terra, mari dominans, triceps facta et canibus insignita est, sicut Hecatos lupi natura specieque (*Λυκαῖος*) significatus. Et nolo quidem de antrorum nocturnique temporis significatione \*) aut de sacris Hecates ad vias et in triviis ubi sepulcra mortuorumque monumenta erant, et in foveis plerumque cum sanguine olim hominis, postea nigri pecoris (v. interpret. ad Ovid. Met. VII. 243 sq.) factis loqui aut de canis et lupi symbolo ita exponere ut ex Asiaticarum religionum genere, quo canis et lupus frequentissimum naturae divinae per remotissima et occultissima quaeque maxime vigili acutaque acie penetrantis et scelera vindicantis, maxime pejurium et parricidium, (Hecates, Fernwirkerin) symbolum erat, aut canes et lupi ea de causa numinum instar colebantur, quod ii illam vim, quam aliis populis lapides herbae, siderum maxime munere, accepisse videbantur, omnia quae huc pertinent afferre. Canis enim et lupus consanguinitate conjuncti quidem, sed in symbolico genere lupus saepe etiam ad lucem et vitam pertinere videtur: Aeschyl. Sept. ad v. Theb. 175 cll. interpret. ad Choeph. 258 sqq. 405 sqq., canis ad noctem modo, luctum mortemque relatus esse. Et canis quidem noctem, luctum mortemque significans, etiam ultimas terrae oras quibus regnum mortis initur indicat. Hinc Hom. Il. VIII. 366. 67. *εὐτέ μιν σὺς Αἶδας πύλαρταο προὔπεμψεν ἐξ Ἑρέβους, ἄξοντα κύνα στυγεροῦ Ἀΐδαο*: vid. Heyn. adnot. ad h. l. et ad Apollod. p. 428. Misit eo Juno Argiva Herculem; et Mela I. 19, 7.: in eo (Ponto Euxino) primum Mariandyni urbem habitant, ab Argivo, ut ferunt, Hercule datam. Heraclea vocitatur; id famae fidem adjicit. Juxta specus est Acherusia, ad Manes, ut ajunt, pervius, atque inde extractum Cerberum existimant." Cf. Strabon. XII. Nomen Cerberi fortasse ab eadem radice unde *χέρως* ap. Apoll. Rh. I. 917. ductum; forma ejus triceps ut Hecatae. Et gentes Mongolicae simul cum priscis Medis ac Persis canem venerantes daemonicam illam et arcanam colebant vim divinam. Quam vim inter Graecos Socrates menti suae vindicare studuit, quasi in libertatem quandam vindicaturus. Atque cultu eam quodam prosequens juramento *τῇ τὸν κύνα* videtur usus esse, qui *κύων* ejus daemonium esse jam visus est interpreti doctissimo Platonicae apologiae: vid. Stallb. adnot. ad Apol. §. 22. Id Socratis studium per Platonem, Aristotelem ceterosque philosophos vulgarium ex Mercurio et Hecate ortorum deorum contemtores divinique illius genii per rerum

---

\*) Schol. Apoll. Rh. III. 847. *Νυχίαν δὲ εἶπεν* cet.

naturam intenti \*) vindices continuatum, per Christum denique perfectum esse infra demonstrabitur. De luctus indice canē, de Dianae cane, de Sirio, Κυρία cet. non exponam nec quomodo is pertineat ad Haden, ad Thauten, Aesculapium, quod monuit *Nork Hieroglyph.* p. 88 sq., 220 sq. Denique amores Hecates et Mercurii ἐν Κερνυεσίῳ Tzetzes ad Lycophr. 689. 1176. illustrat, atque de canibus Persephones, quae alibi Erinnyes, alibi planetae sunt, alio loco disserendum est ubi de Musis Hecates (Strab. X. p. 468) agitur. Hic modo addo, Diodorum omnem Graecorum de inferis doctrinam fabulasque ex Aegypto profectas esse exponentem et de Mercurio inferno secundum Homeri et Orphei carmina et de Cerbero secundum Aegyptiorum fabulas loqui et addere haec: εἶναι δὲ λέγουσι πλεσίον τῶν τόπων τούτων καὶ σκοτίας Ἐκάτης ἱερὸν — scil. ad aditum inferorum. Ultricis Hecatae canes Aesch. Choeph. 1013. Eum. 125. 219. B., Soph. El. 1415. al. — De lupi autem symbolo disserunt de prisco Jove Lycaeo loquentes *Winkelmann, Lycurg.* (Berl. 1826) p. 42 et *Stuhr* l. l. S. 36—38. Et id lupi symbolum in Aegyptiorum fabulis de inferorum regno frequentari satis cognitum est. Quo symbolo si lux et vita significatur, ea talis est quae ab ultione et vindicta proficiscatur, quae saepe in inferis demum perficiuntur. In vivis sanguis exigebatur pro sanguine et numina placabantur sanguine humano, donec quasi foedere per Harmoniae et Cadmi nuptias facto mitiores dii et divinae leges valere coeperunt. Sanguinis ejus exactor lupus multis cognoscitur fabulis quarum origo ab asperioribus regionibus aut temporibus Graecorum repetenda est. Nam postquam Graeci laetiores sedes nacti sunt, laetiores deorum formas perceperunt, et pro crudeli poenarum et expiationum exactrice Hecate Themidem, pro Hecato Apollinem delphicum jurum et legum principes accipere. Inter utramque culturae aetatem interposita autem videtur illa qua ad splendidos noctis dominos coelique rectores summa veneratione homines suspiciebunt; qua aetate Asterie, Asterion, Hecates musae, Io, Europa \*\*) — Phoebus et Phoebe, Latonae liberi, — animis percepti paululum cruentum sacrorum procurationem mitigasse videntur. Cujus aetatis sicut prioris fabulae et instituta quam fre-

\*) Cf. cum Orphicis hymn. et Orphica Argonaut. Apollon. Rh. argon. III. et Ovid Metam. VII. 192 sqq. De Romanorum eo cultu, canum non experte v. *Hart: Rel. d. R. I.* p. 61 sqq.

\*\*) „So war die alter Erinnerung, nach ursprünglich rein geistige Gottheit (Hekate-) Jo in den fleischlichen Gelüsten des Geistes, in die silberne Mondkuh, verwandelt worden. So auch hatte Hermes-Kadmos, indem er in Irrfahrten herumwanderte, die verschwundene Europa aufzusuchen, die Hekate-Harmonia gefunden, die Fürstin der Geister der Mondscheinnacht, mit der er das einträchtige Gesetz der Welt-Ordnung zeugte. — Europa weist auf phönizischen Sterndienst zurück.“ *Stuhr* l. l. 155. Hermes (Hekatos) ward *Mittler*, zunächst Verwalter der menschlichen Seele mit dem olympischen, wie mit dem chthonischen Zeus: S. 317.



quenter ac multifarium lupi praebeant vim et imaginem, exemplis a Stuhrio l. l. p. 195 sqq. allatis satis intelligitur: quae exempla omnia et ad Hecates et Mercurii pristinam religionem pertinent, et cum ea religione morum humanitatisque praecepta arctissime consociata fuisse comprobant. Jam collocatus ante plurima Athenarum dicasteria heros Lycos lupi forma, et lex de lupi occisore lata, quid sibi voluerit apparebit. Addendum est autem, Hecates et Hecati nomine ipso eam vim (Fernwirkung) ita esse indicatam ut, quatenus ea in incantationibus seu fascinationibus ad remotissima intentis cerneretur, potissimum significaretur: quae vis et Artemidi et Apollini (Ἐκάτῳ, Ἐκαέργῳ cet.) apud Homerum adtribuitur. Et de Apollinis et Asculapii potestate simili infra dicendum.

Prioris aetatis Graecorum divini ministri fama inclaruerunt Dactyli, Curetes, Corybantes, Cabiri et Telchines, quibus Cyclopes addi debent; pelasgicae vitae sedes in Asia occidentali sunt, in insulis maris Aegei, in Thracia, Thessalia, Arcadia, Boeotia, Argis, Attica, in insula Aegina. Et Dactyli, Curetes cet. schamanicam istam sacerdotum barbarorum naturam proxime accedunt, *directo* fasciandi genere utentes, adjuvantibus corporis motibus et voce, aut oculorum acie (Telchines) vim magicam exserentes. Sed silentio transeo, quae Welckerus, Otf. Müllerus, Creuzerus, Lobeckius, alii de eorum artibus docuerunt in vulgus nota; de numinibus eorum autem tutelaribus exposituro statim Hecate et Mercurius s. Hecatos, quamquam variis ii quidem nominibus, aut parentes liberive eorum, occurrunt, quod pauci cognoverunt: ut Lobeckius Aglaoph. II. p. 1215. testimoniis collectis examinatisque, haec, inquit, nisi omnia temere et ascitanter conficta sunt, statuamus necesse est, Samothraces Lemniosque deam quandam coluisse Hecatae et Dianae (ea namque Bendis putatur) similem neque diversam a Proserpina cujus cum Mercurio furtiva commercia in mysteriis Cabiris enarrata esse ex Herodoti verbis colligimus Herod. II. 51." Quodsi Schol. Paris. Ap. Rh. I. 917. proditur, *trium* Cabirorum nomina vulgasse Mnaseam Ἀξίερον, Ἀξιόχερσαν, Ἀξιόχερσον. Ἀξίερον μὲν εἶναι τὴν Δήμητραν, Ἀξιόχερσον δὲ τὴν Περσεφόνην, Ἀξιόχερσον δὲ τὸν Αἴδον, quantum adnumerari Cadmillum, qui Dionysodoro iudice Mercurius sit: equidem, ut taceam de primo numine ἄξι-ερος quum Hecatica vis talis sit quae ab amoris separari non possit, atque is Eros auctore Cicerone D. N. D. III. 23. filius Mercurii et Dianae primae i. e. Hecates s. antiquioris Artemidis haberi debeat, tribus ceteris Hecaten et Mercurium (a cujus filio Samum, i. e. Samothraciam nomen accepisse, quae antea dicta fuerit Leucosia — quo Inonis Leucotheae, de qua paulo ante dixi, memoria renovatur —, Schol. eodem loco narrat) atque Casmillum dialecto mystica, de qua mox loquar, dictas esse conjicio. Et Casmilus quidem a Mercurio nihil

differt nisi quod *patiens deus* est i. e. imago rerum naturae vicissitudinibus obnoxiae quam maxime Asiae minoris populi cum Aegyptiis lugendam sentiebant (Thammuz, Attis, Adonis —) ut Hebraei Jehovahae servum, i. e. animum humanum. Neque Ἀτ-δης a Mercurio differt, et Proserpina cum Hecate unius est stirpis. Nomina autem, si de praefixa syllaba ἄξιος per se clara ut in ἀξιόταυρος simil., discesseris, ἔρσος, κερσα, κερσος ad significationem domini redire, indogermanicarum lingvarum rationes svadent, si quidem ἔρτ s. ἄρτ de qua syllaba exponit Gesenius (Wörterb. d. hebr. Spr. II. p. 1247), cognata est syllabae ἔρς et cum prima aspirata ἔρς s. ἔρ: ut etiam Artemis et Φερσεφόνη, et Ἐρ-μ-ῆς et Κά-β-ειρος \*) inter se cognatae stirpis esse possint sicut Ἀρταῖοι, Ἄριοι, Eriene alia, quae affert Rhode (über Alter und Werth einiger morgenl. Urkunden p. 41). Cf. Creuzer Symb. I. 2. S. 234.

Sed mittamus lubricam de his nominibus quaestionem: qua quidem hoc memorabile emergit, ἄρειον γένος recte dici videri Magos ap. Damasc. (περὶ ἀρχ., v. Creuz. I. I.). Magicas autem artes exercuisse Cabiros sacerdotes Sami, Samothraciae, Imbri, Lemni, et fascinos dedisse initiatis maxime ob maris pericula, Hecaticasque ceremonias coluisse, statim ex eodem Apollonii et Scholiastae loco satis apparet, cf. III. 860 sqq. c. Schol. Diva mater quae Cabeira s. Cabiro dicta est (Strab.) procul dubio Hecate. Cujus conjux quod alibi pro Mercurio Vulcanus (cum conjuge Yenere) nominatur, neminem offendit nisi eum, qui nescit in quam varios posterioris aetatis deos rerumque principia illa, quae initio sine nomine et forma erant\*\*), antiqua numina accedente externa causa ab coeli terraeque alicujus natura hominumque ingenio ac moribus, translata sint: ut ignis vis numinis universi forma et natura ibi habita ubi metalla tractabantur aut solum vulcanicum erat. De Hecate autem cabiria, quae per Cadmeorum gentem Harmoniae formam ac naturam, qua Thebis summopere colebatur (Plutarcho teste), induit et postea Demeter cabiria facta est, testis Nonni (XXX. 45.) Cabirus Lemnius Ἐκάτης διασώδεια πύρρον ἐλίσσων. Et sacra Cabiriaca Samothraciae Herodotus II. 51. quidem dicit *pelasgica*.

Pelasgica, ut ita dicam, Hecatica praeter illas insulas cabiriacas aliae insulae simili modo celebrabant. Harpocratio Ἐκάτης Νῆσος — πρὸ τῆς Δίλου κεῖται τι νησίδιον, ὅπερ ὑπ' ἐρίων καλεῖται Ψαμμητίγη, ὡς Φαρόδημος ἐν πρ. Δηλιακῶν. Ψαμμητίγην δὲ κεκληῖσθαι φησιν ὁ Σημὸς ἐν τ. πρ. διὰ τὸ τοῖς Ψαμμήτοις τεμᾶσθαι τὴν θεὸν cet. Pelasgos autem tantummodo conformasse ab Thracia gente oriunda haec

\*) In qua voce tum syllaba κα cognata cum graeca γα et ζα (valde) in ζάθεος, Ἀγαμέμνων cl.

\*\*) Herod. II. 32.



sacra facile apparet. Et Pausanias II. XXX. 1. θεῶν δὲ Αἰγινηται τιμῶσιν Ἐκάτην μάλιστα καὶ τελετὴν ἄγουσιν ἀνὰ πᾶν ἔτος Ἐκάτης Ὀρφεία σφισι τὸν Θραῦκα καταστήσασθαι τὴν τελετὴν λέγοντες. De quibus mysteriis disserit Lobeck. Aglaoph. p. 342. Pausanias autem addit, Hecates signum a Myrone factum, cujus unicum os ut corporis truncus unicus, quum primus Alcamenes Atheniensibus triplex fecerit junctis corporibus Hecates signum quam Epipyrgidiam Athenienses appellent, juxta involucri Victoriae aedem positam. Herodotus autem de Aeginetis V. 83: εἰσὶ δὲ σφ' καὶ ἄρρητοι ἱερογίαι.

In continentis Graeciae septentrionalibus Asiaeque adjacentibus partibus maxime Hecaten olim cultam esse et multa docent monumenta et evincit ratio. Orthosia, Bendis et Daira et Brimo, ad quam Musae pertinebant (*Welck. Kret. Kolon. S. 35.*), etiam Empusa ibi multis locis nominata et valde reformidanda summopecteque placanda visa est secundum locorum illorum ingenium. Taceo de numine ejus Taurico sanguine humano placato: Cf. *Meyen*, de Diana Tauric. dissert. Thraciam appellat eandem deam Hesychius: Θρακία γὰρ ἡ θεός. Et Mercurium regum numen gentilicium fuisse ex Herodoto cognoscimus. De Hecate earum regionum autem loquitur Apollon. Rh. III. 847—65. cum aliis ita ut foeminarum, ad quas Amazones et Ephesiae ministrae pertinent \*), potissimum numen eam fuisse intelligatur. Ab imo septentrionali terriculamenta cultus ejus in loca melioris coeli translata ibique mitigata. Sunt eadem loca Orphicae disciplinae plena, quam facile intelliges maxime ex Hecates et Mercurii ratione rectius celebranda constituisse paresque cum ipsa dea vicissitudines sortesque in Graecia propria passam esse.

Omissa Epiro, ubi Zeus et Dione cum mulieribus fatidicis nihil aliud quam Mercurins et Hecate \*\*) ad inferiora loca descendantibus Thessalia nobis occurrit, Hecates cultu magicisque artibus inclyta, et Jasonis et Medae quae ipsa est Hecate ut Jason Mercurius, et Minyarum calamitatibus ad ea sacra pertinentibus et cum Lemniorum maxime civilibus rebus conjunctis celebratissima. De mysteriis autem Hecates et Mercurii Phereis loquitur *Preller, Demet. u. Perseph. p. 54.* Deinde Medae sedes secundum fabulas altera apud Graecos priscos Corinthus s. Ephyra erat, ubi sane multa Hecatica: Lobeck. Aglaoph. p. 1213. Minyae autem ad Boeotiam nos ducunt. Ibi maxime cabiria sacra Thebarum et Anthedonis nos Hecates (-Harmoniae) admonent ut Cadmus Mercurii. Ibi Hesiodus Hecatae laudes, quas infra laudabimus, didicit ac cognovit. — Arcadia antiqua et Pelasgorum et Mercurii

\*) Hinc fabula illa de Myrina Samothraciorum mysteriorum parente.

\*\*) *Stuhr* l. I. II. 31 sqq. *Buttmann*: Von der Dione, Mythologus I. S. 22 sqq.

Hecaticarumque rerum sede satis celebris. Ibidem Pan nescio an recte credatur ex pristino numine universo fluxisse, quamquam ejus cultus ab Herodoto posteriori aetati adscribitur \*). Et ut omittam fabulas de Lycaone, de Demetre in equum mutata (de equina Hecatae imagine jam locuto Wurmio) satis habeo memorabile Theopompi de domestico Mercurii inferni et Hecatae cultu testimonium ap. Wurm. l. l. p. 13. commemorasse. In reliqua Peloponneso Argos et Sicyon ea sacra celebravere. *Lobeck*, *Aglaoph.* p. 1213. Item Elis Hecati s. Mercurii sacris excelluit.

Deinde in Attica Eleusinorum sacra ab initio Hecates fuisse patet ex iis quae de *Daira V. D.* disserunt (*Siebel.* ad *Paus.* I. 38. 7.) et quae supra diximus, suntque praeterea multa in antiquissimis Atticae heroum fabulis ad Hecaten et Mercurium referenda. Sed omnium maxime memorabile illud est, quod ista, unde haec disputatio egressa est, divina vis universalis nomine ipso *Pandion* in fabulis priscis reperitur. Cujus filia *Ἐρση* ad nomen illud *ἔρσος* ap. *Apoll. Rh.* redit, et amata est Mercurii, cujus signum myrthorum ramis absconditum in Minervae templo stitisse auctor est *Pausanias* I. 27. cf. *Stuhr* l. l. S. 67. Denique Hecates *Epipyrgidia*, ad propylaea arcis collocatae, triplicis utpote οὐρανίας, χθονίας, ἐνιαλίας signum jam commemoravimus: *Paus.* XXX. 1. Et προπυλαία cognominata ὡς ἔφορος πάντων καὶ κουροτρόφος omnibus locis collocata fuisse videtur: v. *Siebel.* ad loc. *Pausaniae*.

Postremum in Italia antiqua (ubi Janus-Saturnus et Diana) et in Sicilia illa numina olim culta esse maxime etiam e nummis cognoscitur \*\*).

His igitur in graecae gentis sedibus ab initio cultus Hecates institutus est et ad symbolicum genus pertinuit, quo ipsa dea occultum quoddam numen erat, cujus origo ad sidera, ad Solem et maxime ad Lunam referebatur cujusque vis ad coelum, terram, mare pertinebat (unde triceps Hecate), quae per tenebras nocturnas acie sua penetrabat (unde λαμπαδοῦχος cet.), in antris et nocte colenda erat ut nocturnis daemonibus spectrisque imperitans (quod jam in occidentali et septentrionali Persia ejus munus φάσματα ἐπιπέμπειν τὰ καλούμενα ἑκαταῖα *Sch. Apoll. Rh.* III. 861.), pariter in mortuis atque in omnium rerum ortu et generatione pollens (hinc κουροτρόφος, προπυλαία, ἐροδία \*\*\*) — sicut posteriore aetate Mercurius et Proserpina †). Symbola ex animalibus praeter canes ††) solus equus (nam de vaccae

\*) De deorum formis, posteriori aetati adscriptis ut de *Aristaeo*, recte judicat *Stuhr* l. l. II. Vorred. S. VIII. sqq.

\*\*) *W.* l. l. p. 10. Erat Italia prisca daemonicae s. spiritualis religionis altera quaedam patria.

\*\*\*) Cf. *Siebel.* ad *Pausan.* I. XXXVIII. §. 6 et 7.

†) *Valckenar.* *Diatr.* p. 138. 167.

††) *Wurm.* l. l. p. 9. Qui recte huc refert *Aesch. Choeph.* 698. μητρὸς ἐγκότους κύνας.

imagine anceps iudicium) postea additus (capite equino in nummis, λεύκιππος cet.). Symboli vis etiam in lingua sacrorum ministrorum cognoscitur, quam mysticam dialectum et sermonem deorum appellatam invenimus. Ejus supra exempla adtuli de nominibus deorum huc pertinentium disserens; documenta alia habet Strab. X. p. 425. et Diodorus V. 47. Docuerat idem Hecatos s. Mercurius homines sermonem et linguam: Macrob. Sat. I, 12. Hygin. 143. Per totum autem orientem quum altera linguae dialectus seu divinae seu sacrae seu principalis nomine invenitur \*), hujus rei causam eam esse puto quod quum altera populi cujusque pars principalis esset altera servilis, horum generum diversitas sicut omni vitae, morum humanitatisque ratione sic etiam linguae genere aperta et confirmata est quasi certis signis ac terminis.

Apud Graecos idem rerum status aetate antehomerica seu anteachaica. Et ad linguam ejus aetatis praeter illa quae dixi nomina et appellationes rerum sacrarum et divinarum nomina regionum, locorum, montium, fluminum, urbium caeque vices referendae quae cum prisca Latinorum, Oscorum et Umbriorum lingua consanguinitate quadam cohaerent. Cujus prisci sermonis exempla apud Homerum reperiuntur plurima quidem, sed ad divinam dialectum nec ea omnia, nec, cum imaginantis et figurantis mentis vis sacerdotibus ac vatibus in usum sacerdotalem nova et inaudita vocabula suggereret, illa sola pertinebant. Pari modo in artibus liberalibus. Nam etiam architectura ejus aetatis, quam pelasgicam dicimus, duplex erat communi nomine cyclopica: cujus signa ut Hecate et supra et intra terram rudes lapidum constructiones sunt in Italia ante Umbriorum et Latinorum, et in Graecia ante Achaeorum imperia factae, et ab hoc signi in symboli genus evectae aedificationes portarum, porticum, thalamorum, sepulcrorum ac hypogaeorum seu thesaurorum, item statuarum ac pilorum cet. Nam post Cyclopum gentem artifices cultiores existebant. Idaei Dactyli, Telchines, Lemnii sacerdotes alique id genus.

At quum omnis de rerum sacrarum principiis expositio, tum haec quae christianae doctrinae origines cum illis principiis conjunctura est, a morum et rerum civilium ex eodem fonte, mente universali aeternaque redundantium expositione separari non debet. Exponendum est igitur paucis, quam vim symbolica haec Hecates et Mercurii religio in hominum mores vitamque exseruerit. Nam supra jam diximus ad harmoniam quandam eam religionem pertinuisse; et humanitatis doctrinam

\*) v. Humboldt: Ueber die Kawi-Sprache S. 11 sqq. Lobeck. Aglaoph. p. Lassen Institutt. linguae praeit. p. 11 sqq. Meine W. Alterthumsk. I. 1. S. 282 und II. S. 110 sqq. Ibi cognoscitur etiam hoc, quum abstractorum et appellativorum is sermo amans fuerit, etiam Hecati et Hecates appellationem inde fluxisse.

ac disciplinam cum ea conjunctam fuisse multis indiciis apparet: *Stuhr* l. l. 141. Et omnis quidem religio symbolica hominum animos terrestribus seu naturalibus viribus ac legibus, quas divinas esse persuasum est, alligat et adstringit. Vis ea ut ita dicam substantialis seu principalis populos singulosque homines alii quam suo imperio, coeco ei quidem etiam tum et arcano, obtemperari non patitur: qui si dominis regulisve parent, domini ii et reguli ipsi illius speciem prae se ferunt et naturales, i. e. naturā constituti, et divini ideoque sacerdotales sunt, numinis nomen potestatemque habent —, ejus sunt nati — ut per totam orientem. Pari modo Cabiri ab initio ipsa numina erant et postea sacerdotes et prophetae: ut etiam Gallorum et Germanorum Druides (vid. *Stuhr* l. l. S. 31) quos cum Samothraciorum et Phoenicum Cabiris ejusdem originis esse auctoritate Strabonis confisi Schellingius, Ad. Pictetus aliique demonstrare conati sunt \*). Qui sacerdotes aut prophetae principalium legum divinarumque praeceptorum et omnino divinae mentis sunt interpretes, in quorum numero etiam Dodonaici et prisci Delphici sacerdotes referendi: nam quibuscumque signis oraculorumque generibus divinam mentem divinaverunt senseruntque, in eo consentiunt ii omnes, quod naturam habebant vatem. Ejus mentis divinae voluntas per eos substantialem ac principalem modo morum doctrinam aperuit ac declaravit, maxime pietatis praecepta, primum interdicens parricidium, pejurium ac hospitem injurias \*\*): quae apud Graecos sunt *Ζηρὸς Θέμωτες* (quo nomine et ipsa mysteria cabir. appellantur: Apoll. Rh. I. 917.): ultices Erinyes, Hecate oriundae. Quae virtutis praecepta, et eo nomine mancae fuerunt quod virtus a callida prudentia et dolo non separabatur: cujus rei exempla sunt Circe, Calypso, Medea, Mercurius, Aëtes, Perses \*\*\*), et eo, quod cum civitatum rationibus saepe parum consentire videbantur, unde omnis pendet Aeschyli Orestias et Antigone Sophoclea, et eo, quod sensus, *αἰδώς*, non ratio, ejus virtutis colendae principium erat. Quae antiqua morum praecepta et cabiriaca et eleusina et orphica ab antiquis nominantur. Iis praeceptis *sub auspiciis Hecati s. Mercurii* cum omnem vitae con-

\*) *Dartt* de Iberiis disserens. (In *Recherches sur l'origine des peuples du N. et de l'Occ. de l'Europe*).

\*\*) *Lobeck*. Aglaopham. III Cap. IV., *Stuhr* l. l. S. 29 sqq. Divinae harmoniae cujusdam speciem Pelasgos in rerum natura invenisse, a coeli terraeque suae ingenio proditam, eamque totius Graecorum humanitatis principium fuisse, multis argumentis probari potest. V. *Stuhr* l. l. Vorred. S. XXI sqq. „Die reine Urwesenheit aller harmonischen Gestaltung, das Ansich der Harmonie aber ist die Liebe. Die Liebe entfaltet sich in ihrem lebendigen Hervortreten, in ihrer Offenbarung, als Friede und Ordnung; ihr Wesen spiegelt sich in der Geschichte ab als Sittengesetz, im Weltall als Naturgesetz“ cet. De Harmonia Cadmi, ut Hecate Mercurii, socia cf. St. l. l. S. 55 al.

\*\*\*) Quo cum Perseus initio idem; qui naturae monstra occulta opprimit *παρὰ Ἐρμού δούλων λαβών* —. Vid. *Creuzer Symb.* 3 Edit. I, II. p. 289.

suetudinem privatam ac domesticam, tum imprimis commercia cum perigrinis et mercaturam, quibus tunc publica vita constabat fere omnis nixam eorumque sanctitate confirmatam esse constat, neque, ideo templa sanctaque loca mercaturae sedes fuisse, ignoratur. Sed ut hoc jam exemplo diversitatem Christianae doctrinae demonstrem, Christus mercatores e templo eiecit. Ceterae autem partes christianae doctrinae, qua virtus est liberae mentis facta ideoque verae libertatis salutisque fons, quomodo differant ab illa virtute naturali, postquam, quos progressus ab illo primordio apud Graecos virtutis idea fecerit vim ac naturam suam exserendo, exposuero, ultro patebit, neque philosophorum dogma, antiquitatis et populorum et culturae genera gradus esse varios quibus maxime ex symbolica et mythica existat vera *θεαρ-θρωπίας* forma, et in Deo pariter atque extra Deum constituta cernatur, iis non confirmabitur \*).

At ut signum in symbolum sic symbolum in mythum sua ipsius quidem vi ac natura sed quasi artificibus auctoribusque Telchinibus, Lemniis cet. transiit, et ex Pelasgis facti Hellenes. Ii naturam animantem sentientemque intelligentes ejus praesides auctoresque ipsos sapientes esse, et divinas animi vires solam in hominis figuram cadere viderunt: eam figuram liberam liberoque motu praeditam artifices exhibere ita conati sunt, eorum ut quasi sub manibus statuac moveri, *κινεῖσθαι*, viderentur ut ait Plato cum aliis de Daedalo loquentibus \*\*). Cum statu is dii ipsi tamquam materia elementari exempti sui que juris facti sunt, chaosque ac pristina massa in partes sejuncta, quae formis humanis distinguebantur. Symbola *κινούμενα* et *πρὸς ἀνθρωπίνην αἰσθησιν* facta \*\*\*)) et mythorum et aestheticae cujusdam humanitatis, harmoniam sequentis, principia erant, ubi *τέκτορες ὕμων* facti sunt *ἔπεων τέκτορες*, ubi dii materia exuti non solum incedentes et circumvagantes, sed omnino libere sentientes et agentes more hominum, conspecti eo majorem divinitatis gradum consequi videbantur quo id magis *καλῶς* vel liberalius cultiusque faciebant. Nihilominus autem ea qua dii olim cum principia naturae essent, legati erant, materia principalis seu substantialis apud pristinos poetas, qui deorum ortum ex terrae, aquae, aeris, ignis siderumque divina vi recenti memoria servabant, vim retinet suam: nam fato omnes ex principali Hecates et Mercurii oriundae deorum formae subditae sunt:

---

\*) Quomodo in Oriente pantheistico symbolica *θεαρθρώπου* forma Vishnus, al., in Graecia Prometheus, qui Jove longe majorem Deum vaticinatus est, *Mentis* (Metidis) filium, et Hercules mythici ad historicum *θεάνθρωπον* pertineant, et quomodo profecerit cum Christo Dei ipsius notio naturam in oriente, historiam in occidente complectendo, alibi exponam.

\*\*) Vide Gedikii Excurs. ad Platonis Menonem de statu is Daedali.

\*\*\*)) Callistratus *Ἐκφρας. VIII.*



quamquam passim Jupiter principalis naturae rerum fatique vices subit. Ortæ tali modo videri possunt ex Hecates natura formaque formæ ac naturæ divinæ distinctiores Artemis, Proserpina, Demeter, — Juno, Ilithvia, — Venus \*); — et ex Mercurii primum Apollo, dein Dionysus \*\*), Pluto, Vulcanus, — Ποσειδών. — Ab his quasi absorpta parentum vis et exstincta: umbræ in nocturnos inferorum recessus abiere; atque quemadmodum hic minantia ea numina manibus imperitabant, ita sub sole quasi poeseos artiumque liberalium distinctiores earum seu recentiores formæ vitæ imperium in animantibus terrestribusque habebant. Inter quos deos humanæ figuræ mente perlucēte sancitæ exemplum perfectissimum idem factus est Apollo (Hecatos).

Quorum deorum imperio longum est enarrare qualis necessario vita cultusque hominū fuerit venerantium: nam exponi debet et universa Graecorum, ex quo Hellenes facti sunt, cultura et humanitas quæ sicut cultus deorum aestheticæ nomīne recte potest distingui, et singulorum populorum qui hanc vel illam illarum formarum, θεὸν πατρῶον tutelaremque ratū eum esse suum, sibi vindicarunt, peculiarem vitæ formam et conditionem, deinde singularum civitatum gentiumque, quæ postea inclarescebant, peculiaria jura et bona: peculiare enim sui que juris pariter cum diis tum facti homines, accurateque cum illa rerum divinarum vicissitudine idem distinctionis segregationisque principium res humanæ secutæ sunt. De litteris artibusque liberalibus maxime post religionem ipsam aestheticæ indolis ac naturæ factis, ab harmoniæque principio profectis non loquar; civitates autem eadem vi impulsæ orientalis despotiæ formam exuerunt in libertatemque vindicatæ suum quæque ingenium secutæ sunt.

At noli arbitrari hunc rerum statum priori prorsus esse contrarium cum, si accuratius quaesiveris, unius indolis ac naturæ sint tum liberæ respUBLICÆ et despotiæ, tum religio symbolica seu orientalis et mythica seu æsthetica. Nam diis materiæ vinculis constrictis hominū animi nondum in libertatem vindicantur, et civilis libertatis ratio, ut deorum Olympicorum libertas Mercurii et Hecates, sic servorum quasi fundamento quodam nititur: ut appareat tantummodo deorum et civilium dominorum numerum auctum esse in inferius pariter ac Hecate et Mercurio depressa materia. Parimodo in morum disciplina virtutes non per se expetuntur, vitia fugiuntur, sed publicæ salutis causa; quæ est virtus *καλοκαγαθία*. Quo fac-

---

\*) Juno et Dione jam aliis propriè idem numen visne; Hecate et Venus in Cabiriis conjugatæ: Lobeck Aglaoph. II. p. 1226. 7.

\*\*) Cic. N. D. III. 23: Dionysum primum Jove et Proserpina natum, — tertium Cabiro patre eumque regem Asiæ profuisse dicunt, cui Cabiria sunt instituta. —



tum est ut etiam excelsiore animo praediti et poetae et philosophi virtutem non se-junctam a venustate quadam et utilitate cognoscerent, excelsiorem ejus notionem non percipientes. Qui verbi causa praecipiebunt τοὺς ἐχθροὺς ἀντικακουργεῖν seu κακῶς ποιεῖν: nam Archilochus: ἔν δ' ἐπίσταμαι μέγα, τὸν κακῶς τι δρῶντα δειροῖς ἀν-ταμείβεσθαι κακοῖς. Pari modo Pindarus Isthm. IV. 86, Pyth. I, 84, et poetae tragici: Soph. Ant. 926., O. C. 270. Sic etiam Gorgias virtutem ponebat in hoc ἔκατόν εἶναι τὰ τῆς πόλεως πράττειν καὶ πράττοντα τοὺς μὲν φίλους εὖ ποιεῖν τοὺς δ' ἐχθροὺς κακῶς Plat. Men. 3., Krit. 10. Cf. Stallbaum. adnot. ad h. l. De venustate autem, morum principio, inter poetas lyrici et inter philosophos Plato admodum disertus et copiosus \*).

Haec est ea aetas rerumque civilium conversio et conditio, artificum, maxime Homeri poematibus condita: ubi omnia κινούμενα, ubi non jam naturae miracula, sed humanae solertiae artificia, non rerum signa et imagines, sed humanorum sensuum actionumque cum libertate et venustate conjunctarum imagines expetebantur, nec symbolicae, sed dramaticae rerum rationes requirebantur, ubi suum quisque populus, quaeque gens ac familia quàm universale ingenium sequi malebat; quod rerum principium deorum primum civitate, deinde hominum societatibus publicis omnino dramaticam naturam exhibentibus satis declaratum videmus. Et jam apud Homerum vitae in dramatis abiere naturam, et numina antehomerica postea mystici dramatis facta sunt. Magis autem postea contra universam materiam distinctae in-dividuaeque formae naturaeque ut deorum sic hominum pugnare coepere: quae est origo rerum dramaticarum. Sed de arte dramatica ex mythi vi profecta adjunctis-que civilium rerum conversionibus hic non pergo exponere quum quid illis numini-bus priscis factum sit prius explicare debeam. Vide Hegel. Aesthet. III. S. 324. Priora enim illa numina tantum abfuit ut omnino tollerentur, ut figura recentiori aetati accomodata suis locis manerent. Quae loca erant ab initio pelasgicae aut orphicae disciplinae plena: iisdemque celebrata ea inveniuntur ab artificibus ac poe-tis. Cf. interpret. ad Aesch. Eumenid. Et de artificibus jam supra demonstratum est: nam Pausanias II. 30, 1. ab Alcmane triplicem seu tergemina, et a Myrone simplicem Hecaten fictam esse narrat. Poetarum autem primus post Orpheum si quem fuisse credas, et Hecates celebratione longe praeclarissimus Hesiodus est. Qui Theog. 411—522. dicit eam Persae et Asteriae filiam omnium quaecunque ce-teris diis atque deabus adtributa sint participem factam, a Jove ipso summa caritate dilectam et summopere honoratam, et terrae et mari et coelo quodammodo praeesse

---

\*) De Aristotelica virtutis notione paulo aliter judicandum esse jam ex hymno in virtutem apud Stobaeum T. I. §. 12. apparet. Etiam aliorum virtutis notiones, Aristotelicae propius accedentes, ex Stobaei Tit. I. περὶ ἀρετῆς §. 8. (ed. Gaisford) cognosci licet.

nil imminuta poteste antiqua, et hominum publicae privataeque vitae actionibus adjutricem esse, maritimis cum Neptuno, rusticis cum Mercurio, pariterque *κουροτρόφος*. Quem locum, quo, quam apte recteque omnia dicta sint, disputatione nostra apparet, quum non ab Hesiodo auctore sed a recentioribus, fortasse ab Onomacrito profectum esse multi multis argumentis demonstrare conati sint: non est quod eum hic ab adversariis defendam: nam et ab aliis hoc jam factum est, et nihil refert utrum Hesiodi an Onomacriti aetate ea, quae summa antiquitate sensa esse demonstravimus, hoc modo exposita credas. Modo hoc addo, Hesiodi altera in patria vatum genus antiquum, cui haec dogmata erant pervulgata, sedes habuisse, tum, quod verbis *καὶ γὰρ νῦν ὅτε ποῦ τις ἐπιχθονίων ἀνθρώπων ἔρδων ἱερὰ καλὰ κατὰ νόμον ἰλάσκηται, κικλήσκει Ἑκάτη* . . . pariter atque illis *καὶ τοῖς οἱ γλαυκὴν δυσπέμφελον ἐργάζονται, εὐχονται δ' Ἑκάτη καὶ ἐρικτύπῳ Ἐννοσιγαίῳ* . . . Cabiriacam doctrinam, qua placandum erat id numen et maxime quidem mari cursuris, cognosci, in illis autem de Mercurio v. 444 sq. pelasgici Mercurii potestatem, et illis *καὶ μονογενῆς ἐκ μητρὸς ἑοῦσα* orphicam doctrinam \*), et illis quibus Persae et Asteriae filia Hecate nominatur, ea Asiae occidentalis et septentrionalis placita, mentem, non naturam, rerum numen divinam probantia, quae initio tractavimus, cognosci. Vim autem, ut ita dicam, magneticam ac spiritualem, non autem eam quam proprius vocant magicam, dea adtributam habet. Teste Pausan. I. 43. idem Hesiodus alibi scripsit, Iphigeniam numine Dianae Hecaten factam esse, cum ceteri Dianam Hecate exortam praedicent.

In hymno Homérico in Cererem quae de Hecate v. 22 sqq., v. 52 et 438 leguntur, quibus deam notissimam et celebratissimam quae videat cum Sole omnia atque audiat, Cereri, cui etiam iter ad Solem praeiverit, et Proserpinae amicam, comitem et propemodum famulam factam esse narratur, pari modo in dubitationem vocata sunt. Quo loco videmus Hecaten prope nova et prorsus epica forma indutam et longe majore munerum parte exutam. Quod ideo factum est, quo Demeter et Proserpina, quae cum Furiis, jam ap. Aeschylum *chthoniis*, nihil aliud quam Hecate sunt, honoribus et muneribus augeretur \*\*).

Ut ex familiis civitas, sic civitatis jurum legumque, quibus sanguinis ac familiae jura sunt sublata, vindex et auctor exstitit Apollo ex prisco Hecato. Qui non jam naturam ut Dodonaeum numen, sed mentem recti et veri indicem fecit populis, in Delia et maxime in Delphica sede \*\*\*). Tunc poetae lyrici et tragici raram inferebant Heca-

\*) *Mercurius unus Coelo patre, Dia matre natus* cet. Cic. N. D. III. 22. cf. Creuz. adnotata.

\*\*) *Voss.* ad loc. Hymn. et in epistol. mytholog. III. *Preller*, Demet. n. Perseph. S. 54.

\*\*\*) In Thessalia idem et expiator et salvator et mortis victor: *Stuhr* l. l. p. 215: *ein geistiger Todesüberwinder* cet.

tes et Mercurii mentionem neque eam ab hac epica ita diversam\*). Apud Aristophanem autem jam domesticos inter parietes recessisse Hecatica sacra et ludibrio habita cognoscimus: nam erant fere praestigiatorum et et agyrtarum facta, qui tum Asiaticas superstitiones in Graeciam transferebant. Qua aetate Hecate magorum Persicorum numen tutelare factum, omniumque magicarum magistra. Maxime in lunae vim translata est, quam revera ejus vim consangvinitate naturali quadam attingere supra ostendimus. Sed quae sunt naturae coecae, ea mentis deinceps fieri necesse est. Quod quum Hecate per Hellenas factum esset, naturalis ejus forma, in Asiae locis residua, in Graecia in privatos parietes et domesticos recessus inferioris maxime populi classis recessit, seu potius ibi permansit vitae domesticae ac familiarum domina, donec disciplina ingenii Hellenici labescente, inde a peloponesiaci belli aetate, iterum recenti vi publice vigere coepit. Mystica sacra praeter Eleusinia tum interdicta quidem publice, sed Aeschinis mater, Empusae sacerdos, post Ninum morte multatam, constituta: ut appareret, animos epicis et plasticis seu aestheticis deorum formis non jam acquiescere. Eorum enim deorum vis vere divina ab artificibus sub lucem proposita a mente hominum sagaciorum ita percipiebatur, ut mox quasi absorberetur, et ea quae mentis facta erant, vivido tum colore divino, quo artifices eos imbuerant et repleverant, spoliabantur, ut in umbrarum formas abirent philosophorum maxime scrutationibus et explicationibus. Quo factum est ut Hecatombas non jam desiderarent.

Et — ut jam de venerationis modo reliqua addamus — dicitur jam Orpheus quodammodo mitioribus alimentis deos nutritisse et cruenta sacrificia abrogare studuisse: quae cruenta sacrificia in Thracia et Asia septentrionali etiam humana erant, ut in cultu Artemidis Tauropolae quae ipsa erat ab initio Hecate\*\*). Sensuum pio cultu et cantando, precando, lustrando Orpheus deos *spirituales* venerari docens, et orgiastico cultuum generi quod maxime Sabazio addictum ex Phrygia in Thraciam pervenerat, resistens et impugnans multos habuit adversarios. Adjutores autem mox existebant ei e philosophis primis maxime Pythagoraei. — Sed priusquam de Orpheo, peculiaris deorum venerationis auctore, plura dicam, necesse est ut doceam,

---

\*) Wurm. l. l., et Schol. Apoll. Rh. III. 467. Περσηλίδα τὴν Ἑκάτην λέγει ὡς τοῦ Περσέως θυγατέρα. Τινὲς δὲ αὐτὴν φασὶ Διὸς εἶναι παῖδα. Ἐν δὲ τοῖς Ὀρφικοῖς Διμητρος γενεαλογεῖται καὶ τέτε δὴ Ἑκάτην Διὶ τέκεν εὐπατέρειαν. Βακχυλίδης δὲ Νυκτὸς φησὶ αὐτὴν θυγατέρα Ἑκάτα, δαδοφῆρον Νυκτὸς μεγαλοκόλου θυγατερ. Μουσαῖος δὲ, Ἀστερίας καὶ Διὸς. Φερεκύδης δὲ, Ἀρισταίου τοῦ Παιόνος. De Musaei doctrina loquitur id. III. 1035.

\*\*) V. Orph. Argon. 904. 960. Athen. D. VII. 325. B. Gr. Lexicogr. s. v. Ἀρταία et Ἐροδία.

mibi me persvasisse, vatum septentrionalium genus antiquum eo nomine indicari: quorum vatum Druides, etiam Dodonaei et Delphici initio fuerunt. Iidem, etiam Theogoniarum posteriore tempore auctores \*), e Pieria ad Thraciam, ad Atticam usque pertinentem, profecti hic novas sedes inter Pelasgos fixerunt Thucyd. II. 28 et 29.: ut ad consanguineos Miltiades colonos deduceret tempore Pisistrati, et orphicae i. e. septentrionalis \*\*) disciplinae institutor vir singularis Orpheus jam Solonis aetate Graecis innotesceret, quem primus commemorasse videtur Pherecydes (Sturz. Fr. 18.). Phrygibus cum Thracibus commixtis deinde Orphicorum disciplina cum Hecates juncta Liberi sacra et ita instituta sunt, ut Hecate eam, quam habet apud Hesiodum, haberet vim, Liber autem esset patiens ille Deus (quem populos septentrionales maximopere mente percepisse etiam fabulis septentrionalibus de Balduri morte cognoscitur, quemque mature Graecos etiam ab Aegyptiis cognovisse Xenophones testatur ap. Plat. Amat. p. 763 \*\*), quem proxime Asiae minoris incolae celebrandum tradiderant. Calamitates Liberi s. Zagrei etiam in Elensiniis (inter Proserpinae mala auctore Eumolpo luctu culta ac celebrata) consecratae fecerunt ut Orpheus a paucis eorum quoque sacrorum auctor haberetur qui antiquioribus illis Hecaticis melius procurandis intentus fuisse a pluribus perhibeatur. Cerealia sacra ineunte vere et maxime cantandis hymnis celebrata esse jam nomine Eumolpi indicatur. Hecatica autem seu Orphica hieme ingruente, nocturno tempore, terrificis caerimoniis — procurabantur. Et quamquam de Hecates mysteriis in Thessalia, Aegina — celebratis parum constat, tamen ex Eleusiniarum nocturnis ceremoniis, quae illorum fuerit ratio, colligi potest. Ea ex arte Graecorum scenica et dramatica fluxit. Accessit autem ultima Graecorum aetate ad hanc cultus Hecatae et Mercurio seu Zagreo dicati formam, quam Orphicam dicimus, posteriorum Orphicorum ratio, quae theurgica ac syncretica vocatur. Etenim posterioris aetatis Orphici ab Orpheo illo longe diversi deos publicos, quorum vis absorpta videretur, ad unam formam redigere licere divinam i. e. naturalem, atque iterum a natura rerum, quam quidem mente percepisse

---

\*) Theogoniarum conditores in Bocotia facti Orphici vates, quum Ionum, Aeolum et Dorum fabulas et mythos plasticos s. aestheticos dogmata sua frigida ac sterilia obruere sentirent coeli et terrae ipsius ingenio mitiore progenitos. Ante annum 660 ante Chr. hoc factum esse inde apparet quod ab Aristotele ii Epimenide et Pherecyde (c. 660) aetate priores dicuntur.

\*\*) Vocis origo nota in vulgus. Orpheus et ipse fabulis quibusdam patiens numen, pariter uxor Eurydice. V. Nork, Hieroglyph.

\*\*\*) Ζενοφάνης Αἰγυπτίους ἐκέλευσε τὸν Ὅσιριν, εἰ θνητὸν νομίζουσι, μὴ τιμᾶν ὡς θεόν, εἰ δὲ θεὸν ἡγοῦνται, μὴ θρηγεῖν. Apud Hebraeos spirituales mentem populi, quippe Jehovae servum, fuisse patientem deum, cumque Messiae notionem excitasse, qui apud populos naturae deditos Dionysos, Osiris, Adonis cet. erat, supra jam significavi.

putarent, etiam animorum, pietate erga deos vacuorum solatia et quae ad corpus quoque pertinerent medicamenta repetere conati sunt: quae animi corporisque medicamina antea Apollo cum altera sui parte Aesculapio ita prae-buerat, ut p. Chr. n. nonnulli putarent, eorum potestatem cum Christi comparandam esse. Et quod prisci homines magistris natura ac sensibus fecerunt, id ii mentis vi tractare studentes quae toto Oriente ab antiquiore aetate remedia et auxilia viderentur residua, undecunque congesta conjungebant popularibusque propinabant. Qua aetate quibusque auctoribus omnes dii deaeque in Mercurii et Hecates formas ita rursus relati sunt, ut Mercurius esset in coelo Jupiter, in mari Neptunus, in inferis Pluto, item Apollo, Vulcanus, Dionysus, Jacchus cet., parimodo Hecate in coelo Juno, in terra et inferis Demeter et Proserpina, item Artemis, Venus, Io cet \*). Denique antiquissimam Hecaticae religionis sedem repetiere, Asiam septentrionalem, maxime Bactrinam regionem, quo tum Anahitis seu Mitra et Mithras duorum deorum principum formam induerunt et cultiorem, et, cum olim daemonia fuerint sine forma et nomine, sensu modo culta, ut supra demonstratum est, *materialem* i. e. solidiorem magisque sub oculos cadentem: quod maxime tum factum est postquam ille credi sol, haec luna coepta est: qua opinione etiam illud turbatum est quod antiquissimum numen neutrius sexus seu androgynum erat, ita, ut foeminea natura potior videretur, quod supra demonstravimus, quo etiam id pertinet quod deus Lunus fictus est cultusque, et quod Persae quoque olim Mitram potiore aestimabant Herod. I. 131, VII, 37, qui postea Mithrae forma solem seu ignem venerari didicerunt. Utriusque sexus natura indutus deus princeps potiore natura foeminea effecit ut, cum deus quem Lunum (Μῆνα) Pontici dixerunt, sejungeretur, non duplex modo, sed etiam triplex forma fingeretur secund. Jul. Firmic. de error. prof. relig. V. p. 16.: *Persae et Magi — — Jovem in duas dividunt ptestates, naturam ejus ad utriusque sexus transferentes (et) viri et foeminae simulacra ignis substantiam deputantes, et mulierem quidem trifor-mi vultu constituunt, monstrosis eam serpentibus illigantes.* Quae mulier triplex nummis Bactrianis conspicitur quasi Mithra-Artemis-Hecate, cui Μίθρας τριπλάσιος (ap. Maxim. in Schol. ad Dionys. Areopagit. Epist. p. 91.) posteriore aetate appositus reperitur, et utrorumque fortasse, quamquam initio priorum solum, Μησίτης quidem, quem pari modo vocant Mithram, cujusque forma ac natura ex mysteriis Mithriacis videtur fluxisse, ubi is idem qui Graecorum mysteriorum deus patiens, erat, matre Mitra, patre Mithra. Et is Mithras quidem Zendi-

---

\*) De Trophonii cultu et oraculo hujus aetatis recte Stuhr l. l. 91. Et jam Cic. hunc, qui sub terris habetur et Mercurium et Trophonium dicit: N. D. III. 22. De myst. Hecat. celebritate Orig. c. Cels. VI. 290.

cae religionis Ὁρορμάσσης, quo cum Perses consanguineus Helio patre, Perse seu Perseide matre Homer. Odyss. X. 138 sqq. ell. Schol. Persen autem quocum Graecorum Perseus initio idem, et Aeeten pari qua Hecaten filiam seu neptin magicæ incantandi ac fascinandi artis gloria excelluisse, demonstratum est a Buttmanno Mythol. II. S. 192. Cf. Creuz. Symb. I. 11. p. 335 sq., ubi *Raoul-Rochette*: la fig. d. c. déesse cet.

Hoc igitur ab cultus genere et a mysteriis mithriacis multa Orphici in sacra sua contulerunt, quæ quum jam a Lobeckio in Aglaoph. multifariam adnotata sint praetereo quidem, sed hoc addo, ab Orphicis istis ex Asiaticis illis dogmatibus, quibus unius et universalis numinis vis spiritualis ac natura daemonica pro vero numine colebatur, πνεῦμα ἅγιον non minus perceptum videri quam ab Zoroastro, a Semitarum magna parte et ab Italicis gentibus quæ *Mentem* s. *Sémonem* S. id numen vocabant. Et quod in evangelio apocrypho Ebraeorum est — ἐνθα αὐτὸς ὁ Σωτὴρ φησι, ἄρτι ἔλαβέ με ἡ Μήτηρ μου, τὸ ἅγιον πνεῦμα, hoc tantum abest ut dubitem ad antiqua illa dogmata referre, ut putem addendum, quoniam, quod supra omnis hujus religionis principium esse demonstravimus, ea mundi vis, cujus formam Persæ Mitram, sedem veterum plerique in sole aut luna positam putabant, vere divinae aeternaeque naturæ est, omnem eam divinum Σωτῆρα complexum esse, eaque videri posse ea, quæ miracula dicuntur, perfecisse. Namque aeternæ speciei ac naturæ tantummodo rudes formæ putandæ sunt populorum divinationes, imaginationes atque opinationes, quas ipsa ea vis, humano generi per deum, τοῦ γένος ἐσμεν, insita amplectebatur donec ea sui juris liberique arbitrii facta est per Σωτῆρα populorum, qui eam, mentis suæ factam, suis, natura jam seu divina origine ejus affinibus, formά πνεύματος ἁγίου tradidit, seu potius eam in iis excitavit mentique reconciliavit. Vidimus autem eam vim symbolo deinde mytho ab hominibus conceptam apud Graecos aestheticum deorum genus procreasse, quibus humana figura distinctarum specierum norma ac μέτρον fiebat, quibusque liberaliter (καλῶς) agendi ratio adjungebatur, neque erit quisquam quin etiam hoc sibi persuadeat specie divina humanae menti insita factum esse. Quæ divina hominis species cum vi illa pneumatica per hominum theurgicorum, maxime orphicorum mentes consociata exemplum erat Σωτῆρος, quod eadem qua formæ rudiores illae ac mancae necessaria mentis universae natura ac lege sub hominum adspectum prodiit omnibus precibus ac desideriis expetitur. In quo non modo et nascendi conditione et vitae post mortem perpetuitate quam resurrectionem et quod utique idem est, adscensionem dicunt in coelum, vis illa seu πνεῦμα aperuit ac confirmavit, se sui juris esse factum, verum etiam id praesentiae suæ, etiam in coena sacra efficacis ac pollentis, continuitate testari pergit dergetque in perpetuum!



*Corrigenda:* p. 8. Not. \*) et \*\*) 1. Preller pro Goeller. P. 13. lin. 23. Omisso p. Omisss.



# Schulnachrichten

über

das Schuljahr von Ostern 1839 bis Ostern 1840 \*).

---

## A. Uebersicht des ertheilten Unterrichts.

### P r i m a.

(Ordinarius: Prediger und Prorektor Guiard.)

- 1) Deutsche Sprache 2 St. Geschichte der älteren deutschen Literatur 1 St. Aufsätze, freies Sprechen, Deklamiren und Lesen 1 St. i. S. Guiard. Geschichte der deutschen Literatur seit Klopstock, verbunden mit Erläuterung schwieriger Abschnitte aus deutschen Klassikern 1 St. Aufsätze und Uebungen im freien Vortrage 1 St. i. W. Rosenberg.
- 2) Lateinisch i. S. 7, i. W. 8 St. Horat. Od. L. I. i. S. Horat. Epist. I. 1—17. incl. i. W. 2 St. Cic. de nat. Deor. I. u. II. zum Theil, i. S. 3 St. Cic. d. nat. D. II. die größere Hälfte und Cic. pro Murena i. W. 4 St. Freie Aufsätze, Exercitien, Extemporalien und Uebungen im Sprechen 2 St. Guiard.
- 3) Griechisch i. S. 4, i. W. 5 St. Platon. Menon. u. die Apologie 2 St. Hom. II. VI—VIII. i. S. L. IX—XI. 2 St. i. W. Haupt. Demosth. orat. de coron. C. 1—62. und Uebungen im Griechischschreiben 3 St. i. W. Rosenberg.
- 4) Hebräisch 2 St. Gesenius Lesebuch S. 7—30. u. S. 83—95. Wiederholung der unregelmäßigen Verba und der Nomina. Guiard.
- 5) Französisch 2 St. Ideler's u. Nolte's Handbuch, poet. Theil, i. S. die Abschnitte Racine, Quinault u. Boileau; i. W. Boileau u. Fénelon 1 St. Schreiben 1 St. Pleckerhorn.
- 6) Religion mit Sekunda verbunden i. S. 1, i. W. 2 St. Christliche Sittenlehre, i. S. allgemeiner, i. W. besonderer Theil u. die Beförderungsmittel der sittlichen Gesinnung. Guiard.
- 7) Mathematik i. S. 3, i. W. 4 St. Summarische Wiederholung des ganzen Kurses; i. S. Lacroix Algebra S. 156—223. i. W. Häusliche, vom Lehrer verbesserte Arbeiten in dieser, wie in den folgenden Klassen. Heiligendörfer.
- 8) Physik 2 St. nach Kries Lehrbuch S. 224—307. i. S.; i. W. mit Sekunda kombinirt S. 308—424. Die Versuche wurden außer den Schulstunden angestellt. Heiligendörfer.

---

\*) Ueber die Namen zweier Lehrer bei manchen Lektionen giebt Abschnitt C. Aufschluß.